



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XI. Papst Clemens III. bestätigt dem Kloster Leitzkau seine Besitzungen und Rechte, am 20. Februar 1189.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

Henricus prepositus sancti Sebastiani, Gunterus prepositus de gratia Dei, Henricus prepositus de Brandeborch, Robertus sacerdos, Daniel sacerdos, Baldwinus sacerdos, Thietmarus sacerdos, Eilmarus sacerdos, Gerardus sacerdos, Vlricus sacerdos, Simon sacerdos, Volpertus sacerdos, Bernardus Dux Saxonie, Otto Marchio de Brandeburch, Henricus comes de Gardenleue, Albertus Comes, Walterus de Arnestein, Syfridus de Thorneburch, Badericus frater ejus, Conradus Advocatus, Richardus, Henricus, Gumpertus, Iohannes de Plote, Hermannus de Plozceke, Fridericus prefectus, Hermannus et filius ejus, Gerardus de Burne, Conradus de Schulenburg, Otto de Vrsleve.

Auscultata est presens copia per me Arnoldum Krampzo, Clericum civitatis Halberstadensis publicum sacra imperiali autoritate Notarium, et concordat cum suo originali sigillato, quod attestor manu propria.

Aus einer Copie des 16. Jahrs. im Brandenburger Domarchiv.

XI. Paps Clement III. bestätigt dem Kloster Letzka seine Besitzungen und Rechte,
am 20. Februar 1189.

Clemens, Episcopus, servus servorum Dei, dilectis filiis praeposito S. Mariae in Monte Liezeke ejusque fratribus tam praesentibus quam futuris regularem vitam professis in perpetuum. Quotiens postulatur a nobis quod religioni et honestati convenire dinoscitur, animo nos decet libenti concedere et juxta petentium voluntatem consentaneam rationi, effectu prosequente complere. Ea propter dilecti in Domino filii vestris iustis postulationibus clementer annuimus et praefatam ecclesiam B. Mariae, in qua divino estis obsequio, mancipati sub B. Petri et nostra protectione suscipimus et praesentis scripti privilegio communimus, Inprimis siquidem statuentes ut ordo Canonicus secundum Deum et B. Augustini regulam atque institutionem bone memoriae Norberti quondam Magdeburgensis Archiepiscopi apud vos in perpetuum custodiatur. Preterea quascunque possessiones quecunque bona eadem ecclesia in praesentiarum iuste et canonice possidet aut in futurum concessione pontificum largitione regum vel principum oblatione fidelium seu aliis iustis modis prestante Domino poterit adipisci, firma vobis vestrisque successoribus et illibata permaneant. In quibus hec propriis duximus exprimenda vocabulis: Locum ipsum in quo claustrum ipsum situm est cum silva contigua, ecclesiam in villa Letzka cum omnibus pertinentiis suis, censum fori et ejusdem fori fundum ac ville veteris omnemque decimationem in eisdem locis degentium tam de bonis nobilis viri Gerberti quam ceterorum et tam de vineis quam de agris et pecoribus, fundum quoque vinearum cum decimis earum, villam que dicitur Lodeburg cum censu et decimis et cum omni servitio quod exinde Episcopo debebatur ipsiusque ville ecclesiam cum reliquis praefatae villae appendiciis, alias etiam villas tres Niendorp, Gowene, Lochove et ejus ecclesiam cum censu et decimis earumque pertinentiis. Preterea villam que Cicerue dicitur cum censu et decimis et suis appendiciis scilicet quadam curia que Colibick dicitur et villula Uzekestorp que in terminis Cicerue continentur, duas quoque partes decime de quatuor villis Cidemick, Echolt, Silitz, Predele, totamque decimam in villa Cruffowe, quam scilicet villam jam dicti fratres a Marchione Alberto consensu filiorum suorum comparaverunt. Mansum unum in villa Slautitz et Wozop ejusdem villae, duas etiam partes decime villarum Clutzow et Britzin cum silva que Bru-

dene dicitur et Mofsbruck, que per manum Episcopi Wilmari in concambio pro Gotthowe prefate ecclesie date sunt, villam quoque Dulgezitz, que nunc Gloina vocatur, cum suis pratis, pascuis, molendinis, aquis aquarumque decursibus cultis et incultis cum tota decima et reliquis suis appendiciis, mansum unum in villa que Welle dicitur solventem octo solidos, sex mansos in villa Mulingen, quos nobilis vir Gerbertus et uxor ejus bone memorie Bertha consensu heredum suarum jam dicte ecclesie contulerunt; Curiam in villa Liezeke prope ecclesiam sitam, vineam et predium eidem curie contiguam cum omnibus suis appendiciis pratis, pascuis, aquis, aquarumque decursibus et omnibus suis pertinentiis, duos quoque mansos et dimidium Zeibbekere pro quibus tertiam partem decime frugum de duabus villis Meterne et Slautiz et Wozop de viginti mansis Slautiz Brandenburgensi Episcopo dimisit, decimam pecorum et altitium de jam dictis villis, tres modios mensure majoris et quindecim minoris in villa Meterne et tertiam partem decimarum de vinea que est vineae predicti Episcopi contigua, curiam quandam ville Twergowe contiguam cum silvis, pratis, pascuis, aquis aquarumque decursibus et omnibus suis pertinentiis in monte Liezeke. Parrochiam Liezeke cum villis adjacentibus Muschowe, Zeibekere et duabus villis, que uno nomine Krukeborne nominantur, ecclesiam Cidemick cum tertia parte decime trium villarum scilicet Cidemick, Ginowe, Pamelitz et reliquis suis pertinentiis, ecclesiam Lochowe ad quam pertinet villa Quabitz, Winere et Vetercib, Tuchouele. Totum Burchwardum Louburch preter duas villas Lubas et Zoias quas Ila excludit. Burchwardum quoque Wefenbuorch et circa Albiam Coswitz, Dobin, Wittenberg, Zeane, Alftermunde cum omnibus suis ecclesiis infra hos terminos constitutis. Decernimus ergo ut nulli omnino hominum liceat prefatam ecclesiam temere perturbare vel ejus possessiones auferre, ablatas retinere, minuire, seu quibuslibet vexationibus fatigare, sed omnia integra conserventur eorum pro quorum gubernatione ac sustentatione concessa sunt usibus omnimodis profutura salva sedis apostolice autoritate et Diocesani Episcopi Canonica justitia. Si qua igitur in futurum ecclesiastica Secularisve persona hanc nostre constitutionis paginam sciens contra eam temere venire temptaverit, secundo tertiove commonita, nisi reatum suum digna satisfactione correxerit, potestatis honorisque sui careat dignitate reamque se divino judicio existere de perpetrata iniquitate cognoscat et a sacratissimo corpore et sanguine Dei et Domini redemptoris nostri Jhesu Christi aliena fiat atque in extremo examine districte ultioni subjaceat. Cunctis autem eidem loco sua jura servantibus sit pax domini nostri Jhesu Christi, quatenus et hic fructum bone actionis percipiant et apud districtum judicem premia eterne pacis inveniant. Amen, Amen, Amen.

† Ego Clemens catholice ecclesie Episcopus etc.

Datum laterani per manum Moyfi Sancte Romane ecclesie Subdiaconi vicem agentis Cancellarii X. Kal. Martii, Indictione octava, anno incarnat. dominice M^o. C^o. LXXX^o. IX^o. pontificatus vero Dni Clementis Pape III. anno tertio.

Auscultata est et collationata presens copia per me Arnoldum Krampzo Clericum civitatis Halberstadensis publicum sacra imperiali autoritate Notarium et concordat cum suo originali sigillato quod attestor manu propria.

Aus einer Copie des 16. Jahrhunderts im Brandenburger Domarchive.